

興國縣志卷之三十三

塋墓

唐

睦州叅軍鍾寶慎墓在殷富圩令公墓左乾隆十三年後裔重修

吉州安福令贈饒州刺史鍾子威墓在澂江鎮沙陂越國公紹京之祖也

中書令越國公鍾紹京墓在清德鄉殷富岡乾隆十三年後裔重修墓左砂之麓建有醮掃站房兵部尚書李邁墓在良村

興國縣志

卷三十三

塋墓

一

檢校戶部尚書會稽子謝肇墓在衣錦鄉黃口

宋
通志云南康上猶有謝平蠻墓相傳謝肇未知孰是

司空李潛墓在長信里木口山

寶文閣待制李朴墓在司空墓左

左司諫李謙墓在馬良石人嶺

按李司空父子賜塋所在久而凌夷明萬歷中知縣蔡鍾有始勘得之立菴以表焉 國朝康熙四十三年知縣張尚瑗蒞任其裔孫牒愬復遭規占誠諭俾還阡址并載郡志然唐尚書李邁實潛之六世祖宋

左司諫李諫則朴之從孫崇祀鄉賢者也其墳墓皆不可不紀舊志遺之特爲補錄

翰林編修王質墓在方太上合村寺背

大理評事呂寅墓在屋山下春口壩

按郡志作敬春誤編入明代考敬春乃寅之字也通志又訛爲李敬春

豫章宮校蕭行可墓在羅姥頭

上杭令鍾紹安墓在長信里

元

贛州路總管呂志熊墓在寶城鄉長信里大木口

興國縣志

卷三十三

塋墓

二

明

太常卿呂復墓在南隅九華山

孝子呂叔素墓在寶城鄉長信里小院

孝子王朝綱墓在大足鄉松岡寨

澧州同知胡濟墓在北隅窰岡砂枝嶺

樂昌知縣謝魁墓在鳳莊蒼鵝樹下康熙五十二年裔

孫重修

孝子呂承廣墓在朱泗橋

孝子凌汝祥墓在迴龍牛皮寨

唐府長史鍾凌霄墓在北隅花園背

太監謝世安墓在帳幙山

世安衣錦鄉人年十五給事內廷為左監丞高帝令尤孝

陵工永樂間令營長陵時遷都燕京復令增修宮闕朝帝進本監太監後被命往川西採運木石凡入往還以勞勤恪勤益任之正統戊午卒乞歸葬祖塋許之

張尚瑗曰正統三年諭葬碑白石瑩潔如玉以堅緻

故獨無恙仆亭址中胡宗伯澐所撰誌銘今無有矣

梧楸蒼然感題一絕句云紫禁門前鐵誥移左貂璽

起裕陵時濫恩賜葬尋常事集古休驚護斂碑

按損持太史作激水志林泛言志人故戚晚而外弁

志內侍非以世安為興邑人物也及修府志則直刪

之復繫之以詩後人修志其無庸為世安立傳明矣

興國縣志

卷三十三

塋墓

三

贛郡方志節錄本傳於坵墓志後深得史家因事附

見之義今仍之

國朝

贈內閣學士王鼎相墓在清德鄉銅鑼窩

禮部侍郎王思軾墓在北隅蔭塘

按舊志名墓依朝代編次贛郡方志則以仕宦流寓

諸墓載本邑之後義例尤覺謹嚴茲仿其意另列如

左惟光祿寺丞鍾春雖係邑人而墓在贛縣不應特

書於興志故從刪

樂城知縣呂大夏墓在西門嶺

安仁縣訓導劉天真墓

猗氏知縣廖應梓墓在山條

進士鍾飛鵬墓

蕪湖知縣鍾人文墓

鳳臺知縣鍾旭墓

翰林院庶吉士蕭朗峯墓在北隅蕭家林

岳常澄道謝鶴翎墓在大馬埠

來鳳知縣王頌三墓在密下洞

孝子鍾顯定墓

梁檢校工部尚書鍾匡墓在激江鎮沙陂

匡字元弼世居潁川長社

興國縣志

卷三十三

墓

四

仕梁至銀青光祿大夫檢校工部尚書以事謫臨江郡守致仕避侯景難偕弟寵攜家徙南康郡年八十二薨於逆旅安厝於激江鎮沙陂上秋院

張尚瑗曰考新唐書宰相世系止言永嘉郡丞嶼之

子寵徙居贛而不及匡鍾氏族譜邑令唐子儀序謂

匡為嶼子寵為嶼子匡之子矩後遂絕而寵子寶慎

四傳至紹京或者唐書止溯紹京之所自出而不及

匡未可知也譜成於鍾氏敬民敬民洪武中以儒生

見重於唐公子儀唐為賢邑令有詩文名其言當有

所據也爰志之

宋都統制登信墓在太平鄉白石

登信安豐軍人元兵追文信國至方石嶺

信引軍斷後力戰死之士人殮其屍葬於白石去方石嶺二里許咸豐間廬陵孫劍光與邑闕玉輝特加修理明興國縣學訓導林學墓在社稷壇後

孔興浙曰碑載嘉靖十一年二月故訓導延平林公學之墓儒學生員張賢等立考蔡志嘉靖八年訓導有福建長樂林時懋延平惟將樂縣或譌爲長樂學之於時懋似以字行者殆八年到任十一年卒冷署空囊莫歸鄉土耳因加封植以徵此邦士習之厚按贛郡謝志林時懋長樂人林學南平人南平卽延平也皆嘉靖間任興國訓導蔡志偶遺之耳

處士福建同安蔡培卿墓在西山塔北霞貓嶺

興國縣志

卷三十三

塋墓

五

晉江三處士墓一林子樹墓在羊嶺山腰一林國宗墓在子樹墓後一林兆遷墓在蔡培卿墓側萬厯間知縣蔡鍾有購地葬此

孔興浙曰四處士墓一鍾有從弟三皆鍾有客也旣購地營葬并置田租八石付鄉約爲醮祭契案存庫嗚呼鄉約豈永久可付之人契案豈長遠可憑之物殘壘斷碣遺落空岡更閱百年焉知不沒於樵芻乎因輯邑乘撫卷惻然錄之以見蔡令誼篤故交無歸我殯之義云

國朝興國知縣潘安國墓在清德鄉夕陽嶺

滙澤園義塚附

滙澤園在北郊二里許宋寶慶丙戌知縣李德創置郡人趙東野爲之記

義塚 一在瑤岡之上名月形距縣三里地甚寬厥

一在西山塔背 一在南門外仁壽菴背 一在北郊

三里許名普同塔邑人謝廷煥倡置 一在儒林鄉大

馬埠老教場前有古碑石 一在大足鄉桐塘口大路

北名竹山下 一在衣錦鄉杉溪水口新墟左名同人

墓邑人鍾肖侃倡置 一在溫阮隆興菴左里人楊文

英捐置 一在水南里人貢生曾魁默捐置 一在郎

興國縣志

卷三十三

義塚附

六

團都宋家圍竹阮窩里人江中魴捐置 一在清德鄉

白芒里人高紹瑄捐置四至豎碑爲界 一在新教場

黃建誠捐置 一在楓邊水口捨埽子

一在太平鄉抄箕窩邱能激捐置田十二石以贍醮費